

诗毛氏传统

711.112
57527

诗毛氏传统

詩毛氏傳疏卷二十三

長洲陳奐學

文王之什詁訓傳第二十三

毛詩大雅

文王之什十篇六十六章四百一十四句

疏文王受命武王

定天下成王告大平宣王封諸侯至若召穆衛武仍凡之刺厲刺幽皆是直陳王事而與小雅之主又譎諫者異矣關雎序云政有大雅焉小雅大雅者猶之諸侯之事繫召南天子之事繫周南爾

文王七章章八句

文王文王受命作周也

疏受命者受命為西伯也書大傳云天之命文王非啍啍然

有聲音也文王在位而天下大服施政而物皆聽令則行禁則止動搖而不逆天之道故曰天乃大命文王文王受命一年斷虞芮之訟二年伐邾三年伐密須四年伐犬夷五年伐耆六年伐崇七年而崩然則古說受命

皆謂受而伯七年之命而作周之興於焉始也遂以爲
天之命文王若受命之年稱王其說誣也詩作於成王
周公時故以
文王名篇

文王在上於昭于天傳在上在民上也於歎辭昭見也

周雖舊邦其命維新傳乃新在文王也有周不顯帝命

不時傳有周周也不顯顯也顯光也不時時也時是也

文王陟降在帝左右傳言文王升接天下接人也疏在上

對於天言故云在民上也於歎辭清廟亦云於歎辭也

二傳爲全詩於字爲歎詞者發凡起例文選陸機赴洛

道中詩注引韓詩章句鳴歎辭又潘岳寡婦賦注引韓

詩鳴歎聲於與鳴通辭當作詞昭見爾雅釋詁文見著

見也大明傳云文王之德明明於下故赫赫然著見於

天○周自大王徙岐故稱舊邦維猶乃也維新乃新也

凡全詩中維與乃同義者放此傳云乃新在文王者言

周至文王而始新之呂覽古樂篇周文王處岐諸侯去

殷三淫而翼文王黜宐生曰殷可伐也文王弗許周公旦乃作詩曰文王在上於昭于天周雖舊邦其命維新以繩文王之德案此與小雅四牡毛傳義合則命之新當在受命六年中事也有周之有爲語詞不顯之不爲語助無實義而傳又詁顯爲光也執競傳亦云顯光也大明思齊嵩高韓奕清廟維天之命烈文執競之不顯不皆爲語助有周不顯言周德之光明也帝天也文王受命於殷之天子是即天之命矣十月之交豈曰不時傳時是也與此不時訓同而義別不是是也是周也言帝命是周也即周雖舊邦其命維新之義○傳云升接天下接人以釋文王陟降句在帝左右即所謂升接天也天亦在民上故文王之下接人者本天之意而爲之墨子明鬼下篇若鬼神無有則文王既歿彼豈能任帝之左右哉此但解在帝左右句

亶亶文王令聞不已傳亶亶勉也陳錫哉周侯文王孫

子文王孫子本支百世傳哉載侯維也本本宗也支支

子也凡周之士不顯亦世傳不世顯德乎士者世祿也

疏

鹽者釁之俗釁從分聲故隸變又作鹽鳧鷖之鹽音

年左傳夫小人之性釁於勇杜注釁動也動與勉義相
近案文選束皙補亡詩注引毛詩傳重勉字為後人誤
衍單字釋經雙字不重勉字也爾雅釋詁鹽勉也此
傳所本也玉篇且部鹽鹽猶微微也義本三家已止也
令聞不已言善聲聞之悠久也墨子作問○宣十五年
昭十年左傳皆引詩曰陳錫載周能施也周語芮良夫
引大雅曰陳錫載周是不布利而懼難乎故能載周以
至于今詩作哉內外傳作載故傳以載詁哉也載見傳
載始也哉為載載又為始此一義之申序云文王受命
作周左傳云文王所以造周作造皆始也箋云哉始也
能敷恩惠之施以受命造始周國是也侯訓維語詞侯
猶乃也下文侯于周服侯服于周同傳訓侯為維維亦
乃也爾雅維侯也侯乃也維謂之侯侯謂之乃侯謂之
維維謂之乃其義一也王肅云文王能布陳大利以賜
子人故能載行周道致有天下唯文王孫子受而行之
本者天子之世長子世為天子僖五年穀梁傳云天子
世子世天下也本宗者一本之宗版傳云王者天下之
大宗是也支莊六年左傳引詩作枝同支子者天子庶

子出封爲諸侯諸侯之世長子亦世爲諸侯爲羣姓之
大宗今文王既受命其後子孫能王天下於是武王爲
繼體長子百世不遷其管蔡邲霍魯衛毛聃郕雍曹滕
畢原鄆郇十六國皆文王支子亦百世不遷本支百世
謂本支皆百世也昭八年左傳云臣聞盛德必百世祀
○傳云不世顯德乎者正言之不爲語詞反言之則下
加乎字以足其義此句例也士者世祿傳引孟子文以
申釋經世字之義正義本士作仕五經異義公羊說春
秋書尹氏崔氏爲譏世卿世卿卽是世位是天子諸侯
之大夫皆不世位也左氏說卿大夫得世祿不得世位
父爲大夫必子得食其故采而有賢才則復升父故位
是卿大夫不世位而世祿有功德則亦世位許鄭皆從
左氏說孟子梁惠王篇仕者世祿趙注云賢者子孫必
有土地又滕文公篇夫世祿滕固行之矣注云古者諸
侯卿大夫士有功德則世祿賜族者也官有世功也其
子雖未任居官得世食其父祿賢者子孫必有土之義
也趙亦與左氏說同毛傳言世祿不言世位有大功德
皆世無大功德則皆不世何以明之緇衣傳云有德君
子宜世居卿士之位焉是唯有德者世位此卽王制所
謂天子大夫不世爵之義又干旄傳云古者臣有大功

世其官邑官邑卽是爵祿是唯有功者世爵祿此卽王制所謂諸侯之大夫不世爵祿之義此傳云不世顯德平士者世祿也蓋有顯德必當世位世祿實兼世位故箋申之云凡周之士謂其世有光明之德者亦得世世在位重其功也毛傳釋詩皆就有大功德者而言故無世祿不世位之文說稍異而義實同

世之不顯厥猶翼翼傳翼翼恭敬也思皇多士生此王

國王國克生維周之楨傳思辭也皇天楨幹也濟濟多

士文王以寧傳濟濟多威儀也疏世之不顯言世有顯

也字今補言顯德之人其持道恭敬爾雅翼翼恭也郭注云恭敬與傳訓同○思發語之辭漢廣思辭也思語

已之辭二傳爲全詩思字發凡也辭皆當作詞正月傳皇君也皇者尊大之稱故皇謂之君又謂之天矣思皇

多士生此王國言天多士生此文王之國也史記周本紀文王禮下賢者日中不暇食以待士士以此多歸之

伯夷叔齊在孤竹聞西伯善養老益往歸之大顛閔天散宜生鬻子辛甲大夫之徒皆往歸之繫露郊祭篇傳

曰周國子多賢蕃殖至于駢孕男者四四產而得八男
皆君子俊雄也此天之所以興周國也案此王褒所謂
故世平主聖俊艾將自至也楨榦釋詁文易文言傳貞
者事之榦也貞固足以榦事楨與貞通嵩高維申及甫
維周之翰傳翰榦也文義相同濟濟是狀士有光輝之
德故傳云多威儀也爾雅濟濟止也止容止也多威儀
即容止之義成二年左傳云夫
文王猶用眾是釋經多士之義

穆穆文王於緝熙敬止傳穆穆美也緝熙光明也假哉

天命有商孫子傳假固也商之孫子其麗不億上帝既

命侯于周服傳麗數也盛德不可為眾也疏穆穆美爾

雅釋詁文

又釋詁云緝熙光也傳於光義未盡又益明義維清敬
之箋及大學注竝云緝熙光明也禮記大學篇引詩而
釋之云為人君止於仁為人臣止於敬為人子止於孝
為人父止於慈與國人交止於信抑淑慎爾止傳止至
也彼引大學文為說則知此敬止即敬至也言美哉穆
穆然文王其德光明而又能敬至也於發聲昊天有成

命篇同○假讀與固同此假借也廣雅賈固也假賈固聲竝近假之讀爲固猶賈之讀爲固矣有語助有商商也與上傳有周周也同例詩蓋言天命之於商孫子亦堅固也下接言商之孫子玄鳥篇商之先后受命不始在武丁孫子下接言武丁孫子句意正相同箋讀有爲有無之有云天爲此命之使臣有殷之子孫似失語意玩下經文上帝既命既字傳文則見天命之無常則字可見麗讀爲敵此亦假借也方言敵數也說文玉篇廣雅同王引之釋詞云不語詞不億億也商之孫子其麗不億猶云子孫千億耳箋以爲不徒億失之趙岐孟子注誤與箋同案王說是也商孫子之數億可爲眾矣侯維也孟子離婁篇引詩而釋之孔子曰仁不可爲眾也夫國君好仁天下無敵孟子言仁毛傳言盛德一也王肅云商之孫子有過億之數天既命文王則維服于周盛德不可爲眾

侯服于周天命靡常傳則見天命之無常也殷士膚敏裸將于京厥作裸將常服黼冔傳殷士殷侯也膚美敬

疾也裸灌鬯也周人尚臭將行京大也黼白與黑也

殷冠也夏后氏曰收周曰冕王之蠶臣無念爾祖傳蠶

進也無念念也

疏則見天命之無常箋云無常者善則

就之惡則去之荀子天論篇云天行有常不為堯存不

為桀亡應之以治則吉應之以亂則凶繁露堯舜不擅

移湯武不專殺篇云言天之無常子無常尊也引詩

與傳義同○傳以殷上為殷侯謂殷諸侯也文王為面

伯殷諸侯自有來助祭於周廟者以見天命之無常蓋

毛意以殷之未喪言之也漢書劉向傳孔子論詩至於

殷士膚敏裸將于京喟然歎曰大哉天命善不可不傳

於子孫是以富貴無常不如是則王公其何以戒慎民

眠何以勸勉蓋傷微子之事周而痛殷之亡也白虎通

義三正篇詩曰厥作裸將常服黼舁言微子服殷之冠

助祭於周也據劉向班固說以殷士即微子然微子朝

周在成王時去密殷已久翼奉傳亦云周公作詩漢戒

成王以恐失天下詩曰殷之未密師克配上帝宜監于

殷駿命不易與毛詩皆不合下文箋王成王本三家說

言二十三
五
膚美狼跋同生民傳敝疾也將事齊敝也與此敝訓疾
義同裸灌壘韻鬯即秬鬯也秬鬯灌神是謂之灌鬯旱
鹿傳云九命然後錫以秬鬯圭瓚是文王九命作伯得
用灌鬯也周人尚臭禮記郊特牲文周禮小宰凡祭祀
贊裸將之事將訓行行灌鬯之事也京大釋詁文大明
皇矣公劉同于京言于是大也正義以京為京師失之
趙注孟子誤同○采叔玄衮及黼傳白與黑謂之黼與
此同也鄭注王制云冕服有虞氏十二章周九章夏殷
未聞案此言黼正謂冕服章數之一古人重畫章特舉
刺章之一者畧耳詩於般言黼黻猶論語於夏言黻冕
黼黻皆黼刺於裳也說文無昇五經文字云字林作昇
經典相承隸省作昇傳釋昇為殷冠而又兼引夏周之
冠者殷之昇夏后氏之收周之冕其冠制相似也王制
夏后氏收而祭殷人昇而祭周人冕而祭白虎通義紉
冕篇禮曰周冕而祭又曰殷昇夏收而祭此三代宗廟
之冠也昇收竝與周冕竝稱玉篇昇覆也殷之冕也史
記裴駟集解引太古冠冕圖云夏名冕曰收據此則昇
收即夏殷之冕矣昇收之制不可得而詳今以周冕言
之禮記禮器云天子之冕朱綠藻十有二旒諸侯九上
大夫七下大夫五士三是天子冕十二旒諸侯九上公

九命衮冕九旒也上大夫七天子上大夫比侯伯鷩冕
七旒也下大夫五天子下大夫比子男毳冕五旒也士
三天子上士比公之孤希冕三旒也天子之中士下士
與列國之卿大夫玄冕無旒白虎通義謂士爵弁無旒
是也大夫而冕有旒者若晉士會之有黻冕是也鄭注
弁師云天子衮衣之冕十二游毳衣之冕七游希衣之
冕五游玄衣之冕三游是唯天子玄冕有三旒矣有旒
曰冕無旒則曰弁弁師王之弁經弁而加環經司服凡
弔事弁經服周禮載天子之服不著爵弁者弁卽爵弁
也故檀弓天子之哭諸侯也爵弁經純衣又襍記大夫
之哭大夫弁經大夫與賓亦弁經大夫有私喪之葛則
於其兄弟之輕喪則弁經弁經者以爵弁而加環經也
天子以爵弁加環經爲弔服不加環經而加旒爲玄冕
儀禮士爵弁純衣純衣猶天子五冕皆玄衣也爵弁猶
天子之玄冕也故士冠禮郊特牲所記三加爵弁之文
而云周弁殷尋夏收周與夏殷之冕竝記之也檀弓下
周人弁而葬殷人尋而葬亦周殷之冠弁記之也周人
爵弁無旒則夏殷之冕無旒可知也爵弁同玄冕五冕
又皆同玄冕雖有十二旒九旒七旒五旒三旒之差而
其體實與爵弁同制則知周之冕要從夏殷之冕特章

大之唯士有爵弁所以存其古也說文云弁冕也夏曰
收殷曰曷周曰弁獨斷云周曰爵弁殷曰曷夏曰收何
注宣元年公羊傳云夏曰收殷曰曷周曰弁加旒曰冕
○蓋進釋詁文逸周書皇門篇朕蓋臣夫明爾德孔注
云蓋進也義與此同王文王也臣殷諸侯也言文王進
殷臣而誥教之也酒誥云乃穆考文王肇國在西土厥
諸庶邦庶士是文王誥教邦事也傳釋爾祖為爾庶
國之祖對殷諸侯言故下章云爾庶國亦當自求多福
是文王進爾庶國誥教之辭也無發聲無念爾祖念爾
祖也文二年左傳云詩曰毋念爾祖聿修厥德孟明念
之矣念德不怠其可敵乎左釋詩亦以毋為發聲
傳所本也毋與無通昭二十三年傳引詩作無

無念爾祖聿修厥德永言配命自求多福傳聿述永長

言我也我長配天命而行爾庶國亦當自求多福殷之

未喪師克配上帝傳帝乙已上也空鑒于殷駿命不易

傳駿大也

疏

爾爾庶國也爾雅律述也通述也古聿律
通通用聿同日故詩中聿字皆語詞無實

義唯此聿爲述漢書東平思王傳及後漢書宦者呂強
傳引詩皆作述此聿述聲通之證述當讀如述所職之
述無念爾祖述修厥德言爾祖能述所職爾庶國亦當
念勤修爾祖之德也江漢云無曰予小子召公是似肇
敏戎公用錫爾祉文義相同傳訓永爲長與卷耳漢廣
常棣同箋云長猶常也訓言爲我與葛覃泉水彤弓同
下武永言配命箋永長言我也正本此傳乃箋於此言
讀爲言語之言不從傳矣云我長配天命而行者釋永
言配命句云爾庶國亦當自求多福者釋自求多福句
桓六年左傳鄭天子忽曰詩云自求多福在我也昭
二十八年傳仲尼聞其命賈辛也以爲忠詩曰永言配
命自求多福忠也竝與傳意合○喪亡師眾也書酒誥
云在咎殷先哲王迪畏天顯小民經德秉哲自成湯咸
至于帝乙成王畏相惟御事厥棊有恭不敢自暇自逸
多士云自成湯至于帝乙罔不明德恤祀亦惟天丕建
係人有殷殷王亦罔敢失帝罔不明德恤其澤多方云乃
惟成湯克以爾多方簡代夏作民主慎厥麗乃勸厥民
荆用勸以至于帝乙罔不明德愼罰亦克用勸皆謂帝
乙已上能配上帝此傳義所本也宜鑒于殷禮記大學
引詩作儀監駿大釋詁文嵩高噫嘻長發同禮記作峻

命之不易無遏爾躬宣昭義問有虞殷自天傳遏止義

善虞度也上天之載無聲無臭儀判文王萬邦作孚傳

載事刑法孚信也疏爾遏止釋詁文遏即今之歇字無止

韓詩云遏病也韓讀遏為害與毛訓異意同宣昭明昭

也時邁臣工皆作明昭離曰宜哲即明哲桑柔曰宣猶

即明猶鴻雁曰宣驕即明驕淇與傳曰宣箸即明箸是

宜與明同義杜注僖二十七年左傳韋注晉語皆云宜

明也正義云義善釋詁文今爾雅作儀儀與義通問讀

為聞善問猶令聞也若令聞作令問之例虞度釋言文

度殷自天言度殷之未喪師者皆自天也度猶鑒也抑

傳詁虞為度度法度也與此異○載讀與事同禮記中

庸篇上天之載注載讀曰裁謂生物也王應麟困學紀

聞以為是韓詩與謂毛訓載為事實包括生物之義漢

書揚雄傳上天之緯或從齊魯詩玉篇云緯事也載也

說文不錄緯字刑法釋詁文刑古型字思齊抑我將同

我將儀式刑文王之典傳云儀善也案此傳義訓善則

儀亦當訓善或毛所據詩本作義也善法文王言文王

之善法天也襄十三年左傳引詩曰儀判文王萬邦作孚言判善也又昭六年傳引詩曰儀判文王萬邦作孚服虔注云儀善也刑法也善用法者文王也言文王善用其法故能為萬國所信也杜從服說不就法文王者言也孚信釋詁文儀判文王性與天合也萬邦作孚受命作周也襄三十年左傳詩曰文王陟降在帝左右信之謂也雜詁周公曰作周孚先言百哉矣怒也天不難而思為文王至

大明八章四章章六句四章章八句

大明文王有明德故天復命武王也

明明在下赫赫在上傳明明察也文王之德明明於下

故赫赫然箸見於天天難忱斯不易維王天位殷適使

不挾四方傳忱信也紂居天位而殷之正適也挾達也

疏

明明察爾雅釋訓文常武傳亦云明明然察也生民傳赫顯也重言之曰赫赫明明赫赫皆是形容文王